

Manmin nga mga Balita

NO. 95 NOBYEMBRE 4, 2018

“Ang Yawi sa Panalangin Anaa sa Bibliya!” Ang 18th Bible Quiz nga Sangka Gihimo sa Men’s Mission



Human sa Sunday Evening Service niadtong Septembre 16, 2018, ang 18TH Bible Quiz nga sangka gihimo didto sa central church og gisibya kini sa internet.

Si Senyor Pastor Dr. Jaerock Lee nipasabot nato sa Pulong og pag-ampo alang sa pagbalaan sama sa mabasa sa 1 Timoteo 4:5 “...kay ang Pulong sa Dios og ang pag-ampo maoy nakapabalaan niini.” Siya niawhag nato nga mamutang sa hinagiban nga mao ang Pulong pinaagi sa pagbasa ini og pag memorya sa mga bersikulo sa Bibliya matag adlaw og sa pagkat-on sa mga sermon sama sa han-ay sa “The Love Chapter,” “The Beatitudes,” og “The Nine Fruits of the Holy Spirit” aron sa pagbalaan og paghisama sa Dios, nga maoy kinaiya sa atong matoohong kinabuhi. Alang sa pagdasig sa mga miyembro, ang sinimanang bersikulo gisugdan sa paglakip ini sa church’s weekly bulletin og ang Men’s Mission nagsugod og himo sa Bible Quiz Contest matag tuig.

Dihay 92 ka mga kontestant (70 gikan sa central church og ang 26 sa mga sangang simbahan) niabot hangtod sa final pinaagi sa una og duha ka pasyunang gihimo niadtong Agosto 26, 2018. Ang mga pangutana gikan sa church’s weekly bulletin sulod sa usa katuig (Agosto 2017 ngadto sa Hulyo 2018). Diha say mga pangutana nga ilang magamit sa inadlaw’ng kinabuhi. Diha sad silay pop quiz time og lottery time alang sa mga nanambong.

Brother Juel Park nakaabot sa final sulod na sa 3 katuig uban sa iyang amahan Pastor Heungyoung Park (Daejeon). Niingon siya, “Nagsugod ko og memorya sa mga bersikulo sa Bibliya pag 6 anyos nako. Madasig ko kon akong madungog ang mga bersikulo nga akong gimemorya panahon sa serbisyo. Makatabang kaayo nako sa akong espiritu og sa akong pag eskuwela. Niusbaw ang akong panumduman pinaagi ini. Na 1st place gani ko niadtong kataposang semester. Lipay kaayo ko.”

Senyor Deconesa Byunghee Jeon nakaabot sa final uban sa iyang anak Brother Seokki Cho og lain pang anak nga si Pastor Minkyung Cho og niingon. “Nagsulay lang ko unsaon pagpahimoot sa Ginoo, ako gyod nabuhat. Dako kaayong dungog nga nakaabot sa final og kining tanan grasyas sa Dios. Dako kaayong panalangin alang nako nga nagmemorya sa mga bersikulo sa Bibliya og nindot kaayo ang akong pamati kon ako silang mahinumduman matag adlaw sa akong kinabuhi.

Ang Grand prize nakuha ni Pastor Hyunju Kim. Gitagaan siya og “plaque” og tikit sa pilgrimage.

Ang Golden prize naadto ni Decono Sangkyun Kim (Canaan Mission), ang silver ngadto ni Deconesa Kehyun Ahan og Pastor Heungyoung Park (Daejeon), og ang Bronse naadto nila ni Pastor Namsuk Heo (Daejeon), Deaconesa Seungju Lee (Canaan Mission), og Senyor Deconesa Sunyoung Kim (Masan). Sila gipanagaan og “plaque” og prize money. Og ang tanang partisipante nga nakaabot sa final round sa final gihatagan og Encouragement prize og kwarta sad. Ang ubang partisipante nakadawat og pahalipay sa pag-apil.

Siminar sa Indochinese Pastor’s



Septembre 4-5, 2018, ang Indochinese Pastor’s Seminar gihimo og gibanbana nga gatosan ka mga pastor gikan sa Thailand, Myanmar, Laos, og Vietnam sa Mae Sai Church (Pastor Kun Jaeyot) sa

Mae Sai district duol sa border sa Thailand og Myanmar.

Pastor Jaewon Lee (Chiang Rai Manmin Church) niwali ubos sa titulo nga “God’s Human Cultivation,” “The Reason God Placed the tree of the Knowledge of Good and Evil,” og “Why Is Jesus Our Only Savior?” Ang sermon basi sa sermon series ni Dr. Jaerock Lee “The Message of the Cross” og “Spirit, Soul, and Body.” Ang mga nanambong nagpahayag sa ilang pasalamat ni Dr. Lee nga nipasabot sa probidensya sa krus og sa gugma

sa Dios pinaagi sa klarong interpretasyon sa Bibliya diha sa inspirasyon sa Espiritu Santo.

Ang mga pastor nga nanambong nakahunahuna sa kahibulongang probidensya sa Dios diha sa Iyang pagpamuhat og sa pag-ugmad sa tawo, og sa espirituwal nga pasabot sa probidensya sa krus. Sila usab nahiusa sa Espiritu Santo pinaagi sa mga panghimatuud, pagdayeg, og panang pundok diha sa pag-ampo.





Senyor Pastor Dr. Jaerock Lee

“Si Hesus mitubag,
‘Sultihan ko ikaw: walay makakita
sa gingharian sa Dios gawas kon
siya matawo pag-usab”
(Juan 3:3).

Ang Kaluwasan Maangkon lang Niadtong Natawo sa Tubig og Espiritu

pagkatawo pag-usab sa tawo nga dako na og dugay nang gipanganak. Sa gipahinumdom nato sa 1 Corinto 4:20, nga ang matag-usang makadawat sa gahom sa Dios diha sa inspirasyon sa Espiritu Santo makahimo sa pagtugkad sa mga espiritoanong sekreto. Kay wala man makasabot sa espirituwal nga pagpanudlo ni Hesus si Nicodemus niingon, “Unsaon man pagpakatawo pag-usab sa tawo nga tigulang na? Makasulod paba diay siya sa tiyan sa iyang inahan aron magpakatawo pag-usab?”

Agig tubag si Hesus niingon, “Sultihan ko ikaw: Walay makasulod sa gingharian sa Dios gawas kon matawo siya pinaagi sa tubig og Espiritu. Ang gianak sa tawo, tawo usab, ang gianak sa Espiritu, espiritu usab. Ayaw ikahibulong nga ako nag ingon kanimo nga kinahanglan magpakatawo kamo pag-usab.” Aron ang matag usa makasulod sa Langit, si Hesus niingon, nga ang espiritu nga dili makita kinahanglan matawo pag-usab.

Si Adan ang katigulangan sa tanang katawhan, gibuhay isip buhing binuhay apan tungod sa iyang sala, ang iyang espiritu namatay. Mao nga, ang tanang kaliwatan ni Adan natawo nga patay og espiritu, og tungod kay sila nahimong mga unodnon, dili sila makasulod sa Langit.

Ang paagi aron mapangka kini-aron ang matag usa dili mopaingon sa Impeyerno-kinahanglan nga matawo sa tubig og sa Espiritu Santo. Mao nga si Hesus niingon ni Nicodemus, “Ang hangin mohuros bisan asa kini buot mopadulong; madungog mo ang paghuros niini, apan wala ka mahibalo diin kini gikan o asa kini padulong. Sama usab niini ang tanan nga matawo pinaagi sa Espiritu.” Sama sa hangin nga dili makita og ang iyang direksyon dili mahibaloan, ato lang ma eskperyensya ang mga kalihokan sa espirituwal nga kalibotan pinaagi lamang sa lihoc sa Dios og sa gahom sa Espiritu Santo.

Human sa ilang panagsultihanay ni Hesus, atong makita si Nicodemus nga molaban ni Hesus kon Siya sawayon sa mga Pareseo (Juan 7:50-51), og human mamatay si Hesus sa Krus, siya nagdala og “sinagol nga herba nga mira og sabila nga ang gidaghanon mokabat og 50 ka kilo” (Juan 19:39). Sa maong binuhatan kita nahibalo nga si Nicodemus

nakadawat sa kaluwasan.

2. Espirituwal nga kahulogan sa “Pagkatawo sa Tubig”

Mabasa sa Juan 4:14, “Apan ang moinom sa tubig nga akong ihatag kaniya dili gayod uhawon. Kay ang tubig nga akong ihatag mahimo diha kaniya nga usa ka tuboran nga mohatag og buhing tubig og kinabuhing walay kataposan.” Ang “tubig” dinhi sama sa “usa ka tuborang tubig nga mohatag og kinabuhing walay kataposan” ang ihatag ni Hesus kanato.

Unya unsa man, ang “tuborang tubig nga mohatag og kinabuhing walay kataposan” ang eternal nga tubig nga ihatag ni Hesus nato? Kita nahibaw nga kon dili ta mokaon sa unod og moinom sa dugo sa Anak sa Tawo, dili kita makabaton sa kinabuhi (Juan 6:53).

Nag ingon sa Juan 6:54, “Ang mokaon sa akong unod og moinom sa akong dugo may kinabuhing walay kataposan og banhawon ko siya sa kataposang adlaw.” Ang pagkaon sa unod sa Anak sa Tawo mao ang paghimog pan sa Pulong sa Dios og ang pag-inom sa dugo sa Anak sa Tawo mao ang pag praktis sa Pulong sa Dios. Ang pagkaon sa unod og pag-inom sa dugo sa Anak sa Tawo – nga mao ang Pulong sa Dios – mao ang tubig nga mohatag sa tawo og eternal ng kinabuhi.

Sama nga ang tubig molimpyo sa tanang hugaw og mohatag og kinabuhi sa tanang may kinabuhi, sa spiritual nga termino ang “tubig” – Pulong sa Dios – molimpyo sa sala og daotan diha sa atong dughan og motabang aron kita makabaton sa kinabuhing dayon. Kon ang Pulong sa Dios magpuyo sa atong dughan og molimpyo niini, atong mapalayas ang pagkamakasala og pagkadaotan sama sa kasina, kasilag, kasuko og mabag-o kita og makadawat sa kaluwasan (1 Pedro 3:21). Mao nga kon atong himoong pan og magpakabuhi sa Pulong sa Dios, nga maoy molimpyo nato sa atong mga sala, kita mabalaan og mahimong matarong, og kini maoy nagsilbing kamatuuran sa atong kaluwasan.

3. Espirituwal nga kahulogan sa “Ang Pagkatawo Pag-usab diha sa Espiritu Santo”

Ang Dios nihatag sa Iyang mga

luwas nga mga anak sa Espiritu Santo (Juan 15:26; Buhay 2:38) og ang Espiritu Santo motabang kanila aron sila makabaton og pagtoo og mobuhi sa ilang epiritu nga namatay.

Ang 1 Juan 5:5-8 nagpahinumdom nato, “Mao ray makabuntog sa kalibotan ang nagtoo nga si Hesus mao ang Anak sa Dios. Ang mianhi mao si Hesu Kristo pinaagi sa tubig og sa dugo. Nailhan siya dili sa tubig lamang kon dili sa tubig og sa dugo. Ang Espiritu mao ang saksi nga matuud kini kay ang Espiritu kamatuoran man. Adunay tulo ka saksi: ang Espiritu, ang tubig og ang dugo og nagka-uyon kining tulo.”

Ang ekspresyon “mianhi pinaagi sa tubig og sa dugo” nagtumbok sa pagpatulo sa dugo og sa kamatayon ni Hesus, ang Pulong nga nahimong tawo. Sa pagkamatay ni Hesus didto sa krus, pinaagi sa Iyang dugo atong nadawat ang kaluwasan. Mao nga, “ang mianhi pinaagi sa tubig og sa dugo” mao si Hesu Kristo og ang Espiritu Santo gipadala nganhi kanato human sa Iyang pagkayab aron motabang nga kita motoo ining maong hitabo.

Ang Kasulatan nag-ingon usab nato nga kinsa katong motoo ni Hesus nga siya Anak sa Dios “makabuntog sa kalibotan” og kini nagpasabot nga kita dili matumog sa bakak pinaagi sa pagpanlimbasog sa pagbuntog sa kalibotanhong kaulag. Ang Espiritu Santo dili lang motabang nato aron kita motoo sa Ginoo apan sa pag konbikto sa kalibotan mahitungod sa sala og katarong og sa paghusga, Siya usab mohatag kanato sa kusog aron pagbuntog sa mga kalibotanhong paagi.

Kon ato nang mahunahuna ang kinaiya sa sala, makasabot sa ka importante sa pagkab-ot sa matuud, og pagtoo nga naay paghusga nga moabot, kita mapugsanon nga maningkamot sa pagpakabuhi pinasubay lamang sa tinguha sa Espiritu Santo. Pinaagi sa pagpalayas sa sala og tanang matang sa daotan diha sa atong dughan matag adlaw, ang atong dughan mabag-o og mapuno sa matuud.

Mahal nga kaisoonan diha ni Kristo, kon ikaw matawo sa tubig og Espiritu og ang Espiritu mopakatawo sa imong espiritu, dinha pa nga ikaw makasulod sa gingharian sa langit.

Bisan daghan ang mo asoy sa ilang pagdawat ni Hesu Kristo og sa ilang pagtoo sa Dios, dili ang tanan nila may kasiguraduhan sa ilang kaluwasan. Sa panag sulti-anay ni Hesus og Nicodemus isip maoy atong giya, kining maong isyu sa Manmin News motugkad sa kahulogan sa “pagkatawo sa tubig og Espiritu Santo” og sa dalan sa hingpit nga kaluwasan.

1. Ang Espirituwal nga panagsultihanay ni Hesus og Nicodemus

Si Nicodemus Jewish official, magtutudlo, og usa ka Pareseo nga maalamon kaayo sa Balaod.

Panahon ni Hesus, ang mga Pareseo “balaan” tan-awon, apan wala magbaton sa Balaod diha sa ilang dughan; wala lang sila magduda ni Hesus apan misulol pa sa kadaghanan aron patyon si Hesus. Apan dili pareho sa kadaghanang Pareseo, si Nicodemus uhaw sa matuud og nagtinguha siya sa tinuud nga pagtoo, mibisita siya ni Hesus usa ka gabii.

Si Nicodemus miingon kang Hesus, “Rabi, nasayod kami nga ikaw usa ka magtutudlo nga pinadala sa Dios. Walay tawo nga makahimo sa mga milagro nga imong gipamuhay gawas kon ang Dios mag-uban kaniya.” Kay si Hesus nasayod man sa kauhaw nga anaa sa kasingkasing ni Nicodemus, Siya mitubag, “Sultihan ko ikaw: Walay makakita sa Gingharian sa Dios gawas kon siya matawo pag-usab.” Og mipasabot niya sa espirituwal nga pagpanudlo.

Sa pagkadungog ini, si Nicodemus wala makasabot kon unsaon

Ang Pag-angkon sa Pagtoo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihoc sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtoo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhay 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhay 4:12).

Manmin nga mga **Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 08389
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminen@manmin.kr
Publisher: Dr. Jaerock Lee
Managing Editor: Geumsun Vin



“Kahibulongang lihok sa Dios misugod dayon sa pagpanghitabo human sa among pagpa rehistro isip pasyente sa retreat!”

Sister Nakagawa Megumi, 37 anyos, Nagoya Manmin Church, Japan

Natawo ko sa pamilyang Kristohanon og nagsimbahan, apan dili klaro ang akong matoohong kinabuhi. Naminyo ko pag 2006. Kristohanon ang akong bana, og akong gibuhi ang akong interes isip magtotoo og nagbasa sa Bibliya. Nagbasa sad ko sa libro ni Dr. Jaerock Lee *The Message of the Cross* og *Heaven* nga gihatag sa akong inahan. Na grasyahan ko pag-ayo pinaagi sa maong mga libro og human og basa kasagaran maminaw ko sa iyang mga sermon sa website sa simbahan.

Pag 2011, nagpataod gani ko og GCN sa among balay og nakakuhag espirituwal nga tubdanang pinaagi sa mga programa niini. Ang akong bana og ako nagsugod og tambong sa Sunday Evening Service sa Nagoya Manmin Church. Anang mga panahona ang akong bana nag antos sa emotional-distress, apan nakalingkawas siya ini human nga nakadawat sa pag ampo ni Senyor Pastor. Lipay sad kaayo ko makahimo ko sa pagpalayas sa daotang kinaiya nga akong gipamundo sa akong dughan og naduol ko sa Dios. Mapasalamaton kaayo mi.

Apan paglabay sa panahon ang among matoohong kinabuhi mura nalang og sa naandan, ang akong pagtoo nabugnaw. Pag Mayo 27, 2018, naglain ang akong lawas og miabot ang sintoma sa bladder infection. Kaniadto naa ko ini apan naayo pinaagi

sa pag-ampo ni Senyor Pastor. Apan ining panahona wala gyod moarang. Inig grabi moadto ko sa kasilyas kada 30 minutos o tagsa ka oras. Atol ini nakadungog ko nga ang pag pangrehistro para sa Manmin Summer Retreat 2018 sa mga miyembro sa laing nasod kutob nalang sa Hunyo 17. Nagparehistro ko og naghinulsol sa akong nabugnaw nga pagtoo. Akong gibag-o ang akong kasingkasing.

Hulyo 4, ang akong mama nakuyapan tungod sa brain hemorrhage og gi operahan. Human sa operasyon, halos dili niya malihok ang iyang wala nga paa. Naluoy kaayo ko niya og naghinulsol alang kaniya og nangayo sa kaluoy sa Dios. Og Siya nanalangin og naayo dayon ang akong mama.


Hulyo 10, nakalakaw na siya nga mag walker panahon sa iyang ‘physical therapy’. Apan hinay pa kaayo ang lihok sa iyang paa og sa wala nga bahin naa siyay hemispatial neglect (kini neuropsychological nga kondisyon diin nagkulang ang atensyon og pagkahibalo sa usa ka bahin sa panan-aw og bisan kini dili visual disorder). Makakita lang siya og katulong bahin

sa kinatibuk-an.

Hulyo 25, akong gipadala ang kaso sa akong mama og ako ngadto sa Manmin Central Church aron maparehistro isip pasyente sa Manmin Summer Retreat. Paghuman gyod nako og padala, kahibulongan kaayo ang nahitabo. Niarang ang akong pamati! Pag sunod adlaw, ang ako sad nga mama nakalakaw na nga wala mag-walker!

Agosto 6, unang gabii sa retreat, akong gidawat ang pag-ampo sa mga masakiton. Human sa pag ampo, hingpit ko nga naayo. Wala na koy gibating sakit. Natulog ko nga murag bata pagkagabii.

Ang akong inahan nga didto sa Japan, naayo sad pagdawat niya sa pag-ampo sa unang adlaw. Niingon siya nga ang sintoma sa hemispatial neglect dako kaayo og kausaban gani makakita na siya sa tanang numero sa iyang digital clock. Katunga lang ang iyang makita sa una. Lipay kaayo ko! Akong pasalamat og himayaon ang Dios nga niayo nako og sa akong mama. Akong ipakita ang dakong pagyukbo ngadto ni Senyor Pastor.



“Human akong nabati nga samang namutang ko og cooling patch, Naayo ko sa frozen shoulder!”

Deacono Taeoh Kim, 57 anyos, Parish 31, Manmin Central Church

Marso 2018, nibati ko og katugnaw og ang akong abaga sakit. Naghasol ni nako labi na sa gabii dili ko makatulog og maayo. Ako lang giantos og naghunahuna nga mawala ra. Apan ni grabi ni. Sayo sa Abril, niadto ko sa hospital og nagpa CT scan. Gipaka-ingon nga naa koy ‘frozen shoulder’.

Gi turukan ko og niinom og tambal aron paghupay sa kasakit og gi-therapy pipila ka bulan. Ang sintoma mahupay kadiyot apan ang kasakit naa ra gihapon. Dili nako maisa ang akong wala nga kamot og bisan sa paglihoklihod ini.

Dinhi pa nga naghinulsol ko nga wala mosalig sa Dios, og ni disisyon nga modawat sa kaayohan pinaagi sa pagtoo. Akong gipanglabay ang akong tanang tambal og wala na magpa therapy. Akong gisuta og gihinulsolan ang mga butang nga wala nako tumana pinasubay sa Pulong. Buot kong makadawat sa kaayohan pinaagi sa gahom sa Dios og tungod sa maong tinguha naghalad ko og mga pag-ampo sa Daniel Prayer Meeting og nagpuasa sugod Hulyo 9.



Samtang nangita sa paagi alang sa pagpahimoot sa Dios, niabot sa akong hunahuna ang *Balita sa Manmin* og nagsugod sa pagpanghatag ini sa among mga silingan og sa pagpangandam nga makadawat og tubag sa Manmin Summer Retreat 2018 uban sa dakong tinguha. Gi hangyo ko nga mag buluntaryo isip unang grupo nga mogikan alang sa pagpangandam sa mga kalihokan sa retreat apil na sa mga duwa, nituman ko og malipayon kaayo.

Human sa siminar Agosto 6, pag ampo ni Rev. Soojin Lee alang sa mga masakiton gamit ang panyo nga inampoan ni Senyor Pastor (Buhat 19:11-12), nidawat ko uban sa pagtoo.


Diha dayon, ang akong abaga namugnaw samang namutang ko og cooling patch. Akong gisulayan sa pag lihoklihod. Wala na gyoy sakit. Akong pasalamat og himayaon ang Dios nga niayo sa akong ‘frozen shoulder’ og ang Ginoo nga niluwas nako uban sa gugma sa krus. Ako sad pasalamat si Senyor Pastor nga perming nag ampo para nako.



Tel: 82-2-824-7107
www.gcnetv.org
webmaster@gcnetv.org




Tel: 82-2-818-7331
www.manminseminary.org
manminseminary2004@gmail.com



Tel: 82-2-818-7039
www.wcdn.org
wcdnkorea@gmail.com



Tel: 82-70-8240-2075
www.urimbooks.com
urimbook@hotmail.com



“Ang talagsong lihok nangahitabo pa gihapon karon pinaagi sa gahom sa panyo!”

Pastor Warapon Yingwatthanakun, 59 anyos, Chai Prakan Manmin Church, Thailand



Gihatagan ko og DVD nga giulohan og “Power” sa akong higala tuig 2008. Natandog kayo ko sa gamhanang lihok nga nahisulat diha sa Bibliya nga nangahitabo gihapon karon og nibisita ko sa Manmin Central Church aron makigkita ni Senyor Pastor Jaerock Lee. Bisan siya maayo og malumo, makita diha niya ang dakong awtoridad nga espirituwal.

Napuno ko sa Espiritu Santo og nidawat sa iyang pag ampo diha sa akong panyo. Nakahibaw ko nga ang talagsang lihok sama sa mga sakit og nayawaan nga gipapahawa ni Apostol Pablo pinaagi sa panyo og tapis nangahitabo



usab sa simbahan (Buhat 19:11-12).

Human, naminaw ko sa iyang espirituwal nga mga mensahe sa GCN og akong giparehistro ang among simbahan isip sanga sa Manmin pag Mayo 2009.

Ang lihok sa Dios pinaagi sa panyo labaw pang kahibulongan kay sa akong gihunahuna. Kon ako ning ibutang sa masakiton og mag-ampo uban sa pagtoo, ang bakol makalakaw, ang batang nawad-an sa kabuot nga naparalisado ang tibuok lawas tungod sa aksidente naayo, ang shaman og ang iyang pamilya nidawat sa Ginoo og ang ilang lugar nausab ang ngan gihimong Nazareth. Og dugang pa, kon akong ampaon ang mga masakitong miyembro sa among simbahan uban sa panyo, sila maayo dayon og magpamatuud sa ilang kaayohan.

Ako mismo naayo sa sakit sa kasing kasing og lethargy sa tibuok nakong lawas sa dihang nakadawat ko sa pag-ampo ni Rev. Heesun Lee, Manmin World Guidance Pastor atol sa 2017

Indochinese Pastors’ Seminar. Ang kalayo sa Espiritu Santo miabot diri nako og naayo ko.

Pag Enero 2018, ang babayeng nag antos sa kasakit tungod sa last stage sa ‘breast cancer’ nakalingkawas sa kasakit pinaagi sa pag-ampo sa panyo. Gikan siya sa among lugar. Samtang nakig estorya niya sa telepono, nakadungog ko nga dili siya makabangon og naghigda nalang tungod sa maong sakit. Naluoy kaayo ko niya og ako siyang giampoan uban sa panyo sa gahom diha sa telepono. Unya, nabaskog ang iyang panglawas og nakalakaw. Halleluyah!

Ang Manmin mipabuhi sa akong pagpangalagad. Pag Agosto 2018, niapil ko sa Manmin Summer Retreat nga gihimo sa Korea uban sa akong asawa sa ika-4 nga higayon.

Napuno ko sa Espiritu panahon sa siminar, og pag sunod adlaw, samtang nagdayeg atol sa Camp Fire Praise & Worship, nakalingkawas ko sa ‘chest pain’ tungod sa ‘ischemic cardiac infarction’.

Ang akong asawa si Daoam Saengduan naay clinic center. Iyang tuyoon nga mag-ON ang GCN sa iyang klinik aron ang mga pasyente nga maghuwat sa doktor natural nga mahibaw sa balaang ebanghelyo. Ang uban mopaduol og tanaw sa TV og modawat sa pag ampo ni Senyor Pastor alang sa mga masakiton. Og ang uban buot nga makadawat sa pag ampo sa akong asawa uban sa panyo, og iya sad kining ampoan. Daghan ang naayo og ang among klinik nailado.

Akong hatagan sa tanang pasalamat og pasidungog ang Dios nga nipuno sa akong kinabuhi sa gugma og gahom pinaagi sa pagpangalagad sa Manmin.

Sa wala pa ang Manmin Summer Retreat 2018, gihangyo ko nga modagan sa relay race sa Athletic Meet. Akong nahunahuna nga kini dakong oportunidad aron mahimaya ang Dios, apan dili sayon para nako kay mo praktis ko human sa overtime sa trabaho. Mo undang nalang unta ko sa tungatunga, apan wala nako buhata kay buot kong mahimong tinubdan sa kusog sa magbalantay.

Agosto 4, nisakit ang akong wala nga bagtak samtang nagduwa og soccer og ni grabi kini. Naglisod ko og tikang og lakaw.

Unang adlaw sa retret Agosto 6, si Rev. Soojin Lee niwali sa mensahe ubos sa titulo nga “Spiritual Realm” basi sa Juan 4:24. Nahatagan ko og pagtoo og kalinaw sa dughan. Human sa mensahe, niampo



“Lipay kaayo ko nga makadagan diha sa gugma sa Ginoo!”

Brother Junghoon Yim,
26 anyos, Young Adults’ Mission, Manmin Central Church

siya alang sa mga masakiton uban sa panyo nga inampoan ni Senyor Pastor Dr. Jaerock Lee og akong nabati ang mga ‘muscles’ sa akong wala nga bagtak nilihok. Nitoo ko nga ako naayo.

Human sa pag-ampo, akong gisulayan og lihok ang akong paa og wala nay sakit bisan gamay. Hingpit ko nga naayo. Og nidagan ko sa relay race sa athletic meet pag sunod adlaw og nakadaog sa gold medal.

Naayo sad ko sa pneumonia niadtong unang apil nako sa retret human pagpa rehistro nako isip miyembro sa Manmin niadtong 2006. Ang katong maong sakit sige og balikbalik sugod niadtong 4 pako ka bulan. Kay kini wala man matambali, sige lang ko og balik sa hospital. Pag apil nako sa retret, nalipong ko, gihilantan, og dili makakaon, og

naglisod og ginhawa bisan sa wala pa ang siminar sa unang adlaw. Sa dihang nakadawat ko sa pag ampo ni Senyor Pastor alang sa mga masakiton, kompleto kong naayo sa pneumonia nga nagpasakit nako sulod sa 13 katuig.

Mapasalamaton kaayo ko sa Dios nga nihitag nako og maayong panglawas nga makahimo gani ko bisan sa pagdagan. Akong hatagan sa tanang pasalamat og himaya ang Dios nga niayo nako og nihitag og pagtoo. Ako usab pasalamat ang Ginoo nga nilimpyo nako sa mga sala og niluwas nako. Buot sad nako nga ipakita ang pasalamat ngadto ni Senyor Pastor nga nitugot aron akong mailhan ang Dios og ang Ginoo og magpakabuhi sa bililhong kinabuhi uban sa paglaom sa New Jerusalem.

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Potato St, J-Figuera Sampaloc, Manila, Pilipinas Pastor Jaebhong Uhm 2-735-1423	067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	Purok 3, Brgy, San Roque, San Mateo, Isabela, Pilipinas Pastor Jaebhong Uhm 2-735-1423	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714